



საქართველოს შინაგან საქმეთა სამინისტრო

სატენდერო დოკუმენტაცია

შს მინისტრის 2016 წლის 4 ნოემბრის N621 ბრძანების თანახმად

აუქციონის გარეშე ელექტრონული ტენდერის საშუალებით

შინაგან საქმეთა სამინისტროს თანამშრომელთა სამედიცინო დაზღვევის (საოჯახო დაზღვევის პაკეტი) მომსახურების შესყიდვა

2017 წლისთვის

CPV – 66510000

1. ინსტრუქცია ტენდერში მონაწილეთათვის:

- 1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.2. ელექტრონულ ტენდერთან დაკავშირებული დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია. ამასთან, ქართულენოვან ტექსტში უცხოენოვანი სიტყვ(ებ)ის გამოყენების შემთხვევაში კომისია უფლებამოსილია იმსჯელოს აღნიშნული სიტყვ(ებ)ის ტექნიკურ დოკუმენტაციასთან შესაბამისობის თაობაზე.
- 1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.5. პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, მხოლოდ იმ პირობით თუ აღნიშნული არ აღემატება სისტემის შესაბამის ველში დაფიქსირებულ საბოლოო ფასს.
- 1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება.
- 1.8. ვინაიდან პრეტენდენტებისათვის სატენდერო წინადადების წარმოდგენა დასაშვებია მხოლოდ ეროვნულ ვალუტაში - ლარში, ხელშეკრულება გაფორმდება ლარში. შესაბამისად, ხელშეკრულების უზრუნველყოფის გარანტია და ავანსის გარანტია წარმოდგენილი უნდა იქნას ეროვნულ ვალუტაში- ლარში მხოლოდ საბანკო (კომერციული ბანკი) დაწესებულებიდან. უცხოური ბანკებიდან საბანკო გარანტიების წარმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიების საფუძველზე საქართველოში აკრედიტირებული საბანკო დაწესებულებების მიერ გაცემული „კონტრ გარანტიები“ (ლარში). საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

1.9. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.10. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.11. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ამასთან, სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, გულუას ქუჩა N8, მე-4 სართული. საკონტაქტო პირ(ებ)ი: თენგიზ ხანიაშვილს ტელ: 591 55 10 40;

2. გასაწევი მომსახურების ტექნიკური დავალება

- 2.1. შესყიდვის საგანია საქართველოს შინაგან საქმეთა სამინისტროს თანამშრომლისათვის 2017 წლის განმავლობაში სამედიცინო დაზღვევის (საოჯახო დაზღვევის პაკეტი) მომსახურების შესყიდვა;
- 2.2. მომსახურება უნდა აკმაყოფილებდეს ამ დოკუმენტაციაში ჩამოთვლილ მოთხოვნებს;

3. გასაწევი სადაზღვევო მომსახურების პაკეტი

3.1. სამედიცინო სადაზღვევო მომსახურება ხორციელდება ძირითადი პაკეტის შესაბამისად:

„I. ჯანმრთელობის დაზღვევის სტანდარტული პაკეტი შინაგან საქმეთა სამინისტროს თანამშრომლებისა და მათი ოჯახის წევრებისათვის“ (დანართი №1), რომლის ღირებულების ანაზღაურებას უზრუნველყოფს შემსყიდველი.

3.2. აგრეთვე, 3 დამატებითი პაკეტის შესაბამისად:

„II. ჯანმრთელობის დაზღვევის გაუმჯობესებული პაკეტი შინაგან საქმეთა სამინისტროს თანამშრომლებისა და მათი ოჯახის წევრებისათვის“ (დანართი №2), რომლის ღირებულების ანაზღაურებას ერთობლივად უზრუნველყოფენ შემსყიდველი და დაზღვეული თანამშრომელი საკუთარი ხარჯებით;

„III. ჯანმრთელობის დაზღვევის პაკეტი შინაგან საქმეთა სამინისტროს თანამშრომლის სრულწლოვანი შვილებისათვის“ (დანართი №3), რომლის ღირებულების ანაზღაურებას უზრუნველყოფს დაზღვეული თანამშრომელი საკუთარი ხარჯებით;

„IV. ჯანმრთელობის დაზღვევის პაკეტი შინაგან საქმეთა სამინისტროს თანამშრომლის მშობლისათვის“ (დანართი №4) რომლის ღირებულების ანაზღაურებას უზრუნველყოფს დაზღვეული თანამშრომელი საკუთარი ხარჯებით.

შენიშვნა:

- დაზღვეული თანამშრომლისათვის დამატებითი პაკეტებით სარგებლობა ნებაყოფლობითია, სატენდერო პირობებით და გამარჯვებულ პრეტენდენტთან გაფორმებული ხელშეკრულებით დადგენილი წესის შესაბამისად.
- დაზღვეული პირებისათვის პოლისების დამზადება და მიწოდება უნდა განხორციელდეს შემსყიდველის მიერ დასაზღვევი პირების სიების მიწოდებიდან არაუგვიანეს 30 სამუშაო დღის განმავლობაში. მიუხედავად პოლისის დამზადების ვადისა მზღვეველი ვალდებულია აანაზღაუროს სადაზღვევო შემთხვევა.

4. პრეტენდენტს უნდა გააჩნდეს:

4.1 არანაკლებ 140 პროვაიდერი კლინიკა (გარდა სტომატოლოგიური პროფილის კლინიკებისა), მათ შორის დედაქალაქში, ყველა თვითმმართველ ქალაქში და არანაკლებ 48 მუნიციპალიტეტში, მოთხოვნის შემთხვევაში უნდა იყოს მუნიციპალიტეტის რაიონულ ცენტრში/ადმინისტრაციულ ცენტრში;

4.2 ოჯახის ექიმთა საკმარისი რაოდენობა, მაგრამ არანაკლებ 100 (ასი) ოჯახის ექიმისა საქართველოს მასშტაბით. მათ შორის დედაქალაქში, ყველა თვითმმართველ ქალაქში არანაკლებ 48 მუნიციპალიტეტში, მოთხოვნის შემთხვევაში უნდა იყოს მუნიციპალიტეტის რაიონულ ცენტრში/ადმინისტრაციულ ცენტრში;

4.3 სადღეღამისო სატელეფონო საინფორმაციო მომსახურების შეუფერხებლად უზრუნველყოფის მიზნით, ქოლ ცენტრის თანამშრომელთა საკმარისი რაოდენობა, მაგრამ არანაკლებ 24 (ოცდაოთხი) თანამშრომელი დღის საათებში (9.00-დან 21.00-მდე) და არანაკლებ 2 (ორი) თანამშრომელი ღამის საათებში (21.00-დან 9.00-მდე)

შენიშვნა:

- პრეტენდენტის მიერ წარმოდგენილ უნდა იქნას პროვაიდერი კლინიკების და ოჯახის ექიმების ჩამონათვალი (მისამართების მითითებით), დედაქალაქის, თვითმმართველი ქალაქებისა და მუნიციპალიტეტების მიხედვით;
- შემსყიდველის მოთხოვნის შემთხვევაში, პრეტენდენტის მიერ წარმოდგენილ იქნას პროვაიდერთან გაფორმებული ხელშეკრულებები.
- შემსყიდველი გამარჯვებულ პრეტენდენტს (მზღვეველს) წარუდგენს იმ აუცილებელი პროვაიდერი კლინიკებისა და ლიცენზირებული სააფთიაქო ქსელის ნუსხას, რომლებთანაც დამზღვევი ვალდებულია გააფორმოს შესაბამისი ხელშეკრულება დამზღვევსა და მზღვეველს შორის ხელშეკრულების მომზადების პროცესში, იმისათვის, რომ დედაქალაქში, ყველა თვითმმართველ ქალაქსა და მუნიციპალიტეტში (რაიონულ ცენტრებში) დაზღვეულმა ოჯახის ექიმის დანიშნულებისამებრ შეუფერხებლად მიიღოს სამედიცინო მომსახურება და მედიკამენტები.
- სახელმწიფო შესყიდვების შესახებ ხელშეკრულების მომზადების პროცესში, შემსყიდველი გამარჯვებულ პრეტენდენტს (მზღვეველს) წარუდგენს მრავალპროფილურ სამედიცინო დაწესებულებებში ოჯახის ექიმების განთავსების მისამართებს, რომელ მისამართებზე ან მათ სიახლოვეს მზღვეველი ვალდებულია განათავსოს ოჯახის ექიმ(ებ)ი, აგრეთვე იმ მუნიციპალიტეტების (რაიონული ცენტრების) ჩამონათვალს, რომლებშიც უნდა განთავსდნენ ოჯახის ექიმები.
- მზღვეველი ვალდებულია სახელმწიფო შესყიდვების შესახებ ხელშეკრულების გაფორმებამდე შემსყიდველს წარუდგინოს იმ პროვაიდერი სტომატოლოგიური კლინიკების ჩამონათვალი (მისამართების მითითებით), რომელშიც დაზღვეულთათვის იმოქმედებს გეგმიურ სტომატოლოგიურ მომსახურებაზე ფასდაკლებები, ფასდაკლების ოდენობის მითითებით.
- გამარჯვებულ პრეტენდენტთან გაფორმებულ ხელშეკრულებაში მითითებული პროვაიდერი კლინიკების და ლიცენზირებული სააფთიაქო ქსელის ნუსხა, აგრეთვე ოჯახის ექიმების ჩამონათვალი (განთავსების მისამართების მითითებით) ჩამოყალიბდება ხელშეკრულების დანართი #5-ში.

5. შესყიდვის ობიექტის სავარაუდო ღირებულება:

5.1. 2017 წლის განმავლობაში 28 854 (ოცდარვა ათას რვაას ორმოცდათოთხმეტი) თანამშრომლის სამედიცინო დაზღვევის (საოჯახო დაზღვევის სტანდარტული პაკეტი) მომსახურების სავარაუდო ღირებულებაა 18 177 156 (თვრამეტი მილიონ ას სამოცდაჩვიდმეტი ათას ას ორმოცდათექვსმეტი) ლარი.

5.2. ერთი თანამშრომლის სამედიცინო დაზღვევის (საოჯახო დაზღვევის სტანდარტული პაკეტი) ერთი თვის მომსახურების სავარაუდო ღირებულებაა 57,27 ლარი.

5.3. 2017 წლის განმავლობაში დასაზღვევი თანამშრომლების რაოდენობა (28 854 თანამშრომელი) საორიენტაციოა და შესაძლოა დაზუსტდეს ხელშეკრულების გაფორმებამდე, თუმცა ცვლილება (გაზრდა ან შემცირება) არ იქნება 3%-ზე მეტი.

5.4. ვინაიდან, თანამშრომელთა დენადობა დინამიური პროცესია, ხელშეკრულების გაფორმების შემდეგ, შესაძლოა შეიცვალოს თანამშრომელთა რაოდენობა, ხელშეკრულებაში დაფიქსირებული მაქსიმალური რაოდენობის ფარგლებში, აღნიშნულიდან გამომდინარე, სიების დაზუსტება მოხდება პერმანენტულად, თანამშრომელთა დანიშვნის და განთავისუფლების მიხედვით.

5.5. დასაზღვევი თანამშრომლების ოჯახის წევრების (მეუღლე და არასრულწლოვანი შვილები) სავარაუდო რაოდენობა განისაზღვრება 48 500 პირით.

5.6. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 5 (ხუთი) სამუშაო დღე. ფასწარმოქმნის ადეკვატურობის დასაბუთება უნდა მოხდეს პრეტენდენტის მიერ გაფორმებული ხელშეკრულებით ან/და ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

5.7. ფასწარმოქმნის ადეკვატურობის დასაბუთების წარუდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის მე-13 მუხლის მე-2 პუნქტის „ა” ქვეპუნქტის საფუძველზე.

5.8. პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

6. გასაწევი მომსახურების მიწოდების ვადა

6.1. მომსახურების გაწევა უნდა განხორციელდეს 2017 წლის 1 თებერვლიდან ან/და ხელშეკრულების გაფორმებიდან 2017 წლის 31 დეკემბრის ჩათვლით;

7. სატენდერო წინადადების ფასი

7.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, დამატებული ღირებულების გადასახადის (დღგ-ს) და საშემოსავლო გადასახადის გარეშე.

7.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

8. ანგარიშსწორების პირობები

- 8.1. ანგარიშსწორება განხორციელდება ეტაპობრივად (ურთიერთშეთანხმებით განსაზღვრული პერიოდულობით და პირობებით) ფაქტიურად გაწეულ მომსახურებაზე მიღება-ჩაბარების აქტის გაფორმებისა და ინვოისის შემსყიდველ ორგანიზაციაში წარმოდგენის შემდეგ. ყველა დოკუმენტი ხელმოწერილი უნდა იყოს მხარეთა უფლებამოსილი წარმომადგენლების მიერ.
- 8.2. ანგარიშსწორების ფორმა – უნაღდო.
- 8.3. ანგარიშსწორების ვადა - აუცილებელი დოკუმენტაციის წარდგენიდან 20 კალენდარული დღის განმავლობაში.
- 8.4. დაფინანსების წყარო 2017 წლის სახელმწიფო ბიუჯეტი.

9. ხელშეკრულების უზრუნველყოფის საბანკო გარანტია

- 9.1. ტენდერში გამოყენებული იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით;
- 9.2. ხელშეკრულების შესრულების უზრუნველყოფის საბანკო გარანტიის მოქმედების ვადა უნდა განისაზღვროს 2018 წლის 01 აგვისტომდე;

10. დოკუმენტებისა და დამატებითი ინფორმაციის ჩამონათვალი რომელსაც უნდა შეიცავდეს პრეტენდენტის მიერ სახელმწიფო შესყიდვების ერთიან ელექტრონულ სისტემაში ატვირთული სატენდერო წინადადება:

- 10.1. დაზღვევის შესაბამისი სახეობის განხორციელების ლიცენზია;
- 10.2. 2014, 2015 და 2016 წლების განმავლობაში (3 წლის განმავლობაში ჯამურად) სამედიცინო დაზღვევაზე (სახ. სადაზღვევო პროგრამების გარეშე) გამომუშავებული პრემია და ანაზღაურებული ზარალი ჯამში უნდა შეადგენდეს არანაკლებ 10 000 000 (ათი მილიონი) ლარს;
- 10.3. შესყიდვაში მონაწილეობის მსურველი პირის რეკვიზიტები (მისამართი, ტელეფონი, საბანკო რეკვიზიტები);
- 10.4. პრეტენდენტის მიერ წარმოდგენილ უნდა იქნას პროვაიდერი კლინიკების ჩამონათვალი (მისამართების მითითებით), დედაქალაქის, თვითმმართველი ქალაქებისა და მუნიციპალიტეტების მიხედვით, მოთხოვნის შემთხვევაში ასევე უნდა იქნას წარმოდგენილი შესაბამისი ხელშეკრულებები;
- 10.5. პრეტენდენტის მიერ წარმოდგენილ უნდა იქნას ოჯახის ექიმების ამონათვალი (მისამართების მითითებით), დედაქალაქის, თვითმმართველი ქალაქებისა და მუნიციპალიტეტების მიხედვით. ასევე თუ ოჯახის ექიმები განთავსებულნი არიან კლინიკებში, ან კლინიკების საიხლოვეს, აღნიშნული უნდა იყოს მითითებული.

11. გამარჯვების შემთხვევაში პრეტენდენტის მიერ წარმოსადგენი საკვალიფიკაციო მონაცემები:

- 11.1. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- 11.2. ცნობა შესაბამისი უწყებიდან (შესაბამისი სასამართლოდან) რომ არ მიმდინარეობს გადახდისუნარობის საქმის წარმოება;
- 11.3. ცნობა შესყიდვაში მონაწილეობის მსურველი პირის საჯაროსამართლებრივი შეზღუდვის არარსებობის შესახებ (საჯარო რეესტრის ეროვნული სააგენტოდან);

შენიშვნა:

- ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ 2011 წლის 7 აპრილის №9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ. (არარეზიდენტი პრეტენდენტის შემთხვევაში „ლ“ ქვეპუნქტით გათვალისწინებული ეტაპის დაწყებამდე არაუგვიანეს 30 დღისა)
- პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს პრეტენდენტის დისკვალიფიკაციას.
- პრეტენდენტების მიერ წარმოდგენილი საკვალიფიკაციო მონაცემების დამადასტურებელი დოკუმენტები საკვალიფიკაციო შერჩევის დროს შემდგომ დაზუსტებას არ ექვემდებარება.

12. დამატებითი პირობები

თანამშრომლის შრომითი ხელშეკრულების შეწყვეტის შემთხვევაში სამედიცინო სადაზღვევო მომსახურების მიღების პირობები:

12.1. თანამშრომელს, შრომითი ხელშეკრულების შეწყვეტის და კადრების განკარგულებაში აყვანის შემთხვევაში (თუ ეს არ ხდება მისი დისციპლინური გადაცდომის გამო), ასევე მის ოჯახის წევრებს სადაზღვევო მომსახურება უნდა შეუნარჩუნდეთ ხელშეკრულების მოქმედების პერიოდში, თუ: 1) აღნიშნული პირი შრომითი ხელშეკრულების შეწყვეტიდან მომდევნო 1 (ერთი) თვის განმავლობაში წერილობით განაცხადებს მზღვეველთან დაზღვევის შენარჩუნების სურვილის, და 2) წარუდგენს მზღვეველს შრომითი ურთიერთობის შეწყვეტის დამადასტურებელ დოკუმენტს/გათავისუფლების ბრძანებას და 3) გააფორმებს მზღვეველთან შესაბამის ინდივიდუალურ ხელშეკრულებას ახალი სადაზღვევო პერიოდით (არაუმეტეს ერთწლიანი პერიოდით) და ერთიანად, ხელშეკრულების გაფორმებისთანავე გადაიხდის შესაბამისი პერიოდის სრულ სადაზღვევო პრემიას.

12.2. თანამშრომლის შრომითი ხელშეკრულების შეწყვეტის შემთხვევაში (თუ ეს არ ხდება მისი დისციპლინური გადაცდომის გამო), მის 18–დან 26 წლამდე შვილებს სადაზღვევო მომსახურება უნდა შეუნარჩუნდეთ ხელშეკრულების მოქმედების პერიოდში, თუ: 1) შვილ(ებ)ი, თანამშრომლის შრომითი ხელშეკრულების შეწყვეტიდან მომდევნო 2 (ორი) თვის განმავლობაში წერილობით განაცხადებს მზღვეველთან დაზღვევის შენარჩუნების სურვილის, და 2) წარუდგენს მზღვეველს თანამშრომლის შრომითი ურთიერთობის შეწყვეტის დამადასტურებელ დოკუმენტს/გათავისუფლების ბრძანებას და 3) გააფორმებს მზღვეველთან შესაბამის ინდივიდუალურ ხელშეკრულებას ახალი სადაზღვევო პერიოდით (არაუმეტეს ერთწლიანი პერიოდით) და ერთიანად, ხელშეკრულების გაფორმებისთანავე გადაიხდის შესაბამისი პერიოდის სრულ სადაზღვევო პრემიას.

12.3. თანამშრომლის შრომითი ხელშეკრულების შეწყვეტის შემთხვევაში (თუ ეს არ ხდება მისი დისციპლინური გადაცდომის გამო), თანამშრომლის მშობელს სადაზღვევო მომსახურება უნდა შეუნარჩუნდეს ხელშეკრულების მოქმედების პერიოდში, თუ: 1) მშობელი, თანამშრომლის შრომითი ხელშეკრულების შეწყვეტიდან მომდევნო 2 (ორი) თვის განმავლობაში წერილობით განაცხადებს მზღვეველთან დაზღვევის შენარჩუნების სურვილის, და 2) წარუდგენს მზღვეველს თანამშრომლის შრომითი ურთიერთობის შეწყვეტის დამადასტურებელ დოკუმენტს/გათავისუფლების ბრძანებას და 3) გააფორმებს მზღვეველთან შესაბამის ინდივიდუალურ ხელშეკრულებას ახალი სადაზღვევო პერიოდით (არაუმეტეს ერთწლიანი პერიოდით) და ერთიანად, ხელშეკრულების გაფორმებისთანავე გადაიხდის შესაბამისი პერიოდის სრულ სადაზღვევო პრემიას.

12.4. თანამშრომლის შვილს, რომელსაც სადაზღვევო პაკეტში მითითებული ზღვრული ასაკი სადაზღვევო ხელშეკრულების ძალაში შესვლის შემდეგ შეუსრულდება, სადაზღვევო მომსახურება უნარჩუნდება მიმდინარე სადაზღვევო წლის ბოლომდე.

12.5. იმ დაზღვეულთა მიმართ, რომლებიც დაზღვეული იქნებიან ხელშეკრულების საფუძველზე მოქმედებს 12.1; 12.2; 12.3 და 12.4 ქვეპუნქტებით გათვალისწინებული პირობები.

13. სადაზღვევო პრემიიდან მიღებული მოგება

13.1. თუ ხელშეკრულების მოქმედების პერიოდის განმავლობაში ამ ხელშეკრულების წლიური სადაზღვევო პრემიიდან მიღებული შემოსავლიდან მზღვეველის წლიურმა წმინდა მოგებამ 5%-ზე მეტი შეადგინა (აღნიშნული დამოწმებული უნდა იყოს ლიცენზირებული სააუდიტორო კომპანიის მიერ), ეს ნამეტი მომავალი წლის ბოლომდე უნდა მიემართოს სახელმწიფო ბიუჯეტში.

14. გამარჯვებულ პრეტენდენტთან სახელმწიფო შესყიდვების შესახებ ხელშეკრულებების გაფორმება

14.1. გამარჯვებულ პრეტენდენტთან სახელმწიფო შესყიდვების შესახებ ხელშეკრულებები გაფორმდება შსს-ს ეკონომიკური დეპარტამენტის; შსს სახელმწიფო საქვეუწყებო დაწესებულება – საქართველოს სასაზღვრო პოლიციის; სსიპ შსს დაცვის პოლიციის დეპარტამენტის; სსიპ შსს მომსახურების სააგენტოს; სსიპ შსს „112“-ის; სსიპ შსს ჯანმრთელობის დაცვის სამსახურის; სსიპ შსს სახელმწიფო მატერიალური რეზერვების დეპარტამენტის, საქართველოს შსს სსიპ-საგანგებო სიტუაციების მართვის სააგენტოს (დეპარტამენტი) და სსიპ შსს აკადემიის მიერ.